

გამოცდებისათვის ინტერნეტით რეგისტრაციის შესახებ ინფორმაცია

2012 წელს ერთიანი ეროვნული, საერთო სამაგისტრო, სტუდენტთა საგრანტო და მასწავლებელთა სასერტიფიკაციო გამოცდებისათვის, ასევე ინგლისურისა და კომპიუტერის და საბუნებისმეტყველო მეცნიერებების ექსპერიმენტული ნაწილისათვის რეგისტრაციას აპლიკანტები მხოლოდ ინტერნეტით, გამოცდების ეროვნული ცენტრის ვებგვერდზე გაივლიან (www.naec.ge; online.naec.ge);

აბიტურიენტთა, მაგისტრანტობის კანდიდატთა და სტუდენტთა საგრანტო კონკურსში მონაწილეობის რეგისტრაცია იწარმოებს 6 თებერვლიდან 23 მარტის ჩათვლით.

მასწავლებელთა სასერტიფიკაციო გამოცდებისათვის, ასევე ინგლისურისა და კომპიუტერის და საბუნებისმეტყველო მეცნიერებების ექსპერიმენტული ნაწილისათვის რეგისტრაცია იწარმოებს 13 თებერვლიდან 23 მარტის ჩათვლით.

ინტერნეტით რეგისტრაციისათვის აპლიკანტს უნდა ჰქონდეს პირადობის (ბინადრობის) მოწმობა/პასპორტი, აგრეთვე მან უნდა გადაიხადოს გამოცდებში მონაწილეობის საფასური.

გადახდის შესაძლო საშუალებები და ტარიფები:

- 1) საქართველოს ბანკის სერვის ცენტრები - 0,5 ლარი;
- 2) ვებგვერდზე ipay.ge - 1 ლარი;
- 3) „აიფეის“ აგენტების ქსელში (საჯარო რეესტრის სააგენტოებში) - 0.5 ლარი;
- 4) „საქართველოს ბანკის“ თვითმომსახურების ტერმინალით -1 ლარი;
- 5) საქართველოს ბანკის ინტერნეტ ბანკინგის საშუალებით - ibank.ge - 1 ლარი.
- 6)

გადახდის დანიშნულებაში უნდა ჩაიწეროს აპლიკანტის გვარი, სახელი, პირადი ნომერი, პირადობის მოწმობის (ან პასპორტის) სერია და ნომერი. საფასურის გადახდა შეუძლია როგორც აპლიკანტს, ისე სხვა პირს, რომელიც გადახდისას მიუთითებს აპლიკანტის შესაბამის მონაცემებს.

- აბიტურიენტთათვის ერთი გამოცდის ჩაბარების საფასურია 10 ლარი;
- სტუდენტთა საგრანტო კონკურსში მონაწილეობის საფასურია 10 ლარი;
- მოქმედი პედაგოგები, რომლებიც პირველად მონაწილეობენ სასერტიფიკაციო გამოცდებში, ასევე სერტიფიცირებული პედაგოგები, რომლებიც ინგლისურისა და კომპიუტერის გამოცდის ან საბუნებისმეტყველო მეცნიერებების ექსპერიმენტული ნაწილის ჩასაბარებლად პირველად რეგისტრირდებიან, არ იხდიან გამოცდის ჩაბარების საფასურს;
- პედაგოგებისათვის, რომლებმაც ერთხელ უკვე მიიღეს მონაწილეობა სასერტიფიკაციო გამოცდებში და ვერ გადალახეს ზღვარი, ასევე მასწავლებლობის მსურველთათვის ერთი გამოცდის ჩაბარების საფასურია 25 ლარი;
- პედაგოგებისათვის/მასწავლებლობის მსურველთათვის, რომელთაც გადალახეს ზღვარი კონკრეტულ გამოცდაში, მაგრამ სურთ მიღებული შედეგის გაუმჯობესება, ასევე იმ პედაგოგებისათვის, რომლებმაც ვერ გადალახეს ზღვარი ინგლისურისა და კომპიუტერის გამოცდაში, ერთი გამოცდის ჩაბარების საფასურია 50 ლარი;
- მაგისტრანტობის კანდიდატებისათვის საერთო სამაგისტრო გამოცდის ჩაბარების საფასურია 50 ლარი.

ინტერნეტით რეგისტრაცია

1. აპლიკანტს უნდა ჰქონდეს (ან უნდა შექმნას) ელექტრონული ფოსტის მისამართი.
2. ინტერნეტით რეგისტრაციას აპლიკანტი გადის ვებგვერდზე www.naec.ge ან online.naec.ge.
3. მითითებულ მისამართზე შესვლის შემდეგ აპლიკანტი სპეციალურ ველში უთითებს 11 ნიშნა პირად ნომერს, ელექტრონულ ფოსტას (რომელზეც შემდეგ მიიღებს პაროლს), ჩამონათვალიდან კი ირჩევს შესაბამისს, მაგალითად: „ერთიანი ეროვნული გამოცდები“.

4. სისტემა, 11 ნომრის ნომრის შეყვანის შემდეგ, თავად სვამს აპლიკანტის სახელს, გვარს და მისამართს შესაბამის ველებში (თუ ასეთი პირადი ნომრის მქონე პიროვნება არ მოიძებნა რეესტრის ბაზაში, სისტემა აცნობებს მას ამის შესახებ).
5. სისტემა ავტომატურად ამოწმებს ინფორმაციას გადახდის შესახებ (თუ გადახდა არ დადასტურდა, აპლიკანტი ეკრანზე ხედავს შესაბამის შეტყობინებას).
6. აპლიკანტმა უნდა შეავსოს აუცილებელი ველები (მაგ.: მიუთითოს ტელეფონი, აირჩიოს გამოცდის ენა ჩამონათვალიდან და ა.შ.) გაითვალისწინეთ: დამამთავრებელი კლასის მოსწავლეებს არ ესაჭიროებათ სკოლის მითითება.
7. აუცილებელი ველების შევსების შემდეგ აპლიკანტმა უნდა მონიშნოს შესაბამისი გამოცდები – იმდენი, რამდენი გამოცდის ჩაბარების საფასურიც აქვს გადახდილი (სისტემა არ ამოწმებს შემოქმედებითი ტურის საფასურის გადახდას. აბიტურიენტები, რომლებიც აბარებენ შემოქმედებით ტურს, ირჩევენ ტურს გამოცდების ჩამონათვალიდან, საფასურს კი იხდიან უმაღლესი სასწავლებლის მიერ მითითებულ ვადებში შესაბამის რეკვიზიტებზე, მაგ.: თუ აბიტურიენტმა გადაიხადა 50 ლარი, მას შეუძლია აირჩიოს 5 გამოცდა და შემოქმედებითი ტური).

8-10 პუნქტები ეხება მხოლოდ აბიტურიენტებს

8. გამოცდების მონიშვნის შემდეგ აბიტურიენტმა უნდა შეადგინოს რეიტინგული ჩამონათვალი (ჯერ საგანმანათლებლო პროგრამების მითითება და შემდეგ გამოცდების არჩევა შეუძლებელია). 2012 წელს აბიტურიენტს შეუძლია 20 საგანმანათლებლო პროგრამის მითითება.
9. რეიტინგული ჩამონათვალის შედგენისას აბიტურიენტი უთითებს მხოლოდ პროგრამის კოდს და უმაღლეს სასწავლებელს, პროგრამის დასახელებას კი სისტემა თავად ჩაწერს შესაბამის ველებში.
10. თუ თქვენი არჩევანი არ აკმაყოფილებს საგანმანათლებლო პროგრამების მიერ დაწესებულ მოთხოვნებს, ეკრანზე დაინახავთ შესაბამის შეტყობინებას:
11. გაითვალისწინეთ: თუ გამოცდების ან საგანმანათლებლო პროგრამების არჩევის ან რაიმე სახის ცვლილების განხორციელების შემდეგ არ დააჭერთ ღილაკს „შენახვა“, ინფორმაცია არ აისახება სისტემაში!
12. აუცილებელი ველების შევსების შემდეგ აპლიკანტი ელექტრონული ფოსტით მიიღებს შეტყობინებას, რომ მისი პირადი მონაცემები რეგისტრირებულია, ასევე პაროლს. გამოცდების (ან საგანმანათლებლო პროგრამების) მითითების შემდეგ ასევე ელექტრონული ფორმით იღებთ ინფორმაციას თქვენი არჩევანის შესახებ (ასეთი სახის შეტყობინებას მიიღებთ სისტემაში განხორციელებული ყოველი ცვლილების შემდეგ).
13. აპლიკანტს არ სჭირდება ფოტოსურათის გადაღება და ატვირთვა - საგამოცდო ბარათის დამზადებისას სისტემა სამოქალაქო რეესტრის ბაზაში არსებულ ფოტოს გამოიყენებს.

აპლიკანტს შეუძლია არაერთხელ შეცვალოს საკუთარი არჩევანი რეგისტრაციის ვადის ამოწურვამდე – იგი თავისი პირადი ნომრისა და პაროლის მითითებით შედის საკუთარ გვერდზე და შეაქვს სასურველი ცვლილებები. ცვლილებების დადასტურებას მიიღებს ელექტრონული ფოსტითაც.

რეგისტრაციის ვადის ამოწურვის შემდეგ (23 მარტი) აპლიკანტი განაცხადს ვეღარ შეცვლის!

გაითვალისწინეთ:

- არ გაანდოთ სხვას ელექტრონული ფოსტით მიღებული პაროლი. მხოლოდ თქვენ ხართ პასუხისმგებელი სარეგისტრაციო ანკეტაში მითითებული მონაცემების სისწორესა და შემდგომ მასში განხორციელებულ ცვლილებებზე;
- შეეცადეთ ხშირად გადაამოწმოთ თქვენი მონაცემები და დროულად გაეცნოთ ელექტრონული ფოსტით მიღებულ შეტყობინებებს!

გამოცდების ეროვნული ცენტრის ცხელი ხაზი: 220 62 32

ვებგვერდი: www.naec.ge

გისურვებთ წარმატებას!